

# SKÓSMIÐIR

ÞRIÐJUDAGUR 12. MARS 2013

## Kynningarblað

Viðgerðir, hraðþjónusta,  
fylgihlutir, viðhald,  
neytendamál og frægir  
skóhönnuðir.





Stundum felst lausnin við sárum fótum í einföldum hlutum eins og betra innleggi en þægileg innlegg geta gert gæfumuninn. Gríðarlegt úrval innleggja er að finna á Skóvinnustofu Sigurbjörns í Austurveri.

MYND/PIETUR

## Gerðu góða skó betri

Skóvinnustofa Sigurbjörns er best geymda leyndarmál Austurvers við Háaleitisbraut 68. Mikill metnaður er lagður í að bjóða úrval innleggja, reima og skóáburðar. Þá er gert við skó, tösukur, belti og fleira.

Undanfarin ár höfum við verið að færa okkur meira inn á það að eiga mikið úrval af vöru sem tengist skófatnaði, þó alltaf sé nóg að gera í skóviðgerðum. Þetta eru reimar, skóáburður, innlegg og fleira sem tengist velferð fótanna,“ segir Jónína Sigurbjörnsdóttir, sem tók við Skóvinnustofunni af föður sínum sem stofnaði hana árið 1956.

Stundum felst lausnin við sárum fótum í einföldum hlutum eins og betra innleggi. „Margir eiga í vandræðum með fætuna á sér af ýmsum ástæðum en þægileg innlegg geta haft ótrúlega mikið að segja. Við erum með yfir 20 tegundir af innleggjum fyrir mismunandi aðstæður.“ Sum innlegg eru bara til þæg-

indaauka en önnur eru ætluð til að vinna gegn ýmsum kvillum. „Eitt algengasta fótameinið er tábergssig en við því eigum við ágætis innlegg. Þá erum við með sérstaklega mjúk innlegg fyrir fólk með viðkvæma fætur, til dæmis vegna sykursýki eða liðagigtar, og innlegg með kolefnum sem koma í veg fyrir rakamyndun, svo eitthvað sé nefnt. Svo þarf líka mismunandi innlegg eftir fótagerð. Fólk með flatfót þarf annars konar innlegg en fólk með háa il, svo dæmi séu tekin.“

Jónína segir allt of algengt að nýir skór séu með örþunnu og lélegu innleggi. „Skiptir engu hvort um dýra eða ódýra skó er að ræða. Þegar kemur að innleggjum er víða pottur brotinn.“

Yfir 100 tegundir af áburði fyrir allar tegundir efna og lita er að fá hjá Skóvinnustofunni. „Mikilvægt er að bera réttan áburð á efnin, hvort sem það er taska, skór eða annað. Það eykur líftímann og gerir vöruna fallegri. „Eins er fjölbreytt úrval falletgra reima til á Skóvinnustofunni. Allt frá 60 til 220 sentímetra langra í öllum regnbogans litum.

Fram að páskum munum við bjóða 10 prósentu afslátt af allri seldri vöru. Einnig vil ég benda á heimasíðu okkar [www.skovinnustofa.is](http://www.skovinnustofa.is) en þar er ýmsan fróðleik að finna, auk upplýsinga um vörurnar okkar. Svo erum við líka á Facebook undir Skovinnustofa. Sigurbjörns.“



Samkvæmt neytendalöggjöf er tveggja ára kvörtunarfrestur fyrir fatnað en skófatnaður telst þar með.

MYND/GVA

## Í skóm neytenda

Auðveldlega getur komið upp ágreiningur milli kaupanda og seljanda þegar skór verða fyrir einhvers konar skemmdum, eru gallaðir eða standast ekki eðlilegar kröfur.

Nokkuð skýrar reglur eru um hvornig best sé að bera sig að hvað ágreining snertir í skókaupum. Slík tilfelli rata oft inn á borð Neytendasamtakanna. „Samkvæmt neytendalöggjöf er tveggja ára kvörtunarfrestur ef galli kemur upp á fatnaði en skófatnaður telst þar með. Komi upp galli eða skemmd í skóm innan hálfars árs frá sölu sem seljandi telur að sé tilkominn vegna notkunar kaupandans er sönnunarbyrðin á seljandanum. Eftir hálfri ári er sönnunarbyrðin á kaupandanum,“ segir Kristín.

### Dæmisaga af Jóni

Þetta þýðir að ef Jón kaupir sér skó og sólinn dettur af innan mánaðar þarf seljandinn að sanna að Jón hafi ekki bara eyðilagt skóna með illri meðferð. Það er að segja sé hann ekki sammála gallakenningu Jóns. Geti hann ekki sannað slæma meðferð Jóns ber honum að láta gera við skóna eða skaffa nýja með hliðsjón af eðli gallans. Hann getur líka endurgreitt vöruna ef hið fyrrgreinda reynist ekki unnt. „Í ágreiningstilfellum þarf oft að fá hlutlausan aðila til að skera úr um hvort um galla sé að ræða, eðlilegt slit eða slæma meðferð. Í flestum tilfellum eru skósmiðir fengnir til þess.“ Ef Jón myndi hins vegar fara með sömu skóna hálfu ári eftir kaup þá væri það hans að sanna að um galla væri að ræða. Kostnaðurinn sem til fellur vegna skoðunar skósmiðs fellur því á seljandann fyrsta hálfu árið sé um galla að ræða. „Kaupandi á ekki að þurfa að hljóta óhagræði af því að láta meta skó sem mögulega eru gallaðir og því er það á ábyrgð seljanda að koma þeim í hendur óháðs skoðunaraðila.“

### Minni gæði

Spurð um fjölda tilfella á ári segir Kristín skó vera flokkaða með öðrum fatnaði og ekki tiltækar nákvæmar tölur frá Neytendasamtökunum um fjölda tilfella.

„Mín tilfinning er sú að kvartanir hafi verið nokkuð svipaðar undanfarin ár hvað fjölda snertir. Hins vegar finnst mér breyting hafi orðið á ástæðum kvartana. Það er eins og gæði skóa hafi minnkað og þau tilfelli sem koma inn til okkar eru nú æ oftar vegna lélegra gæða. Áður voru ástæður kvartana oftar vegna tilfallandi galla sem alltaf geta komið upp.“

### Meira af Jóni

Drögum upp annað dæmi þar sem skór eru keyptir sem skemmast við það að blotna lítillsháttar. Seljandi segir að skórnir hafi blotnað sem sé ástæða skemmdarinnar.

Hvergi kom þó fram á umbúðum, við kaup eða annars staðar að skórnir þyldu ekki bleytu. „Ef skór þola ekki eðlilega notkun, samanber lítillsháttar bleytu, þarf að taka það sérstaklega fram áður en þeir eru seldir. Ef skór þola ekki bleytu hljóta þeir að vera inniskór. Slíkt þarf þá að taka fram.“

### Stál í stál

Kristín segir jafnframt að í sumum tilfellum sé ekkert að gert frá hendi seljanda þegar ágreiningur um galla komi upp. Seljandinn segir að illri meðferð sé um að kenna en kaupandinn kennir um galla og þannig komi upp pattstaða.

„Þá mæli ég með að kaupendur fari með skóna til skósmiðs og láti meta þá.“

### GÓÐ SKÓGEYMSLA

Það er staðreynd að allar konur elska skó og neita sér helst ekki um slíkan munað. Skór eru nefnilega dýrir. Þegar margir skór eru komnir í fataskápinn geta þeir farið illa. Þess vegna er nauðsynlegt að eiga sérstakan skóskáp. Ýmsar gerðir eru til af skóskápum, bæði litlum og stórum. Ikea hefur verið framarlega á þessu sviði og boðið ýmsar lausnir. Sumir búa sjálfir til skóskápa, til dæmis með hillueiningum, litlum plaströrum eða taupokum. Einnig er hægt að mála gamla trékassa í fallegum litum og hengja upp á vegg undir skóna. Hægt er að láta hugmyndaflugið ráða þegar kemur að skógeymslum.

Á myndinni er stór og góð skógeymsla sem fæst hjá [www.cart100.com](http://www.cart100.com) og kostar 62,69 Bandaríkjadollara ef einhver hefur áhuga á að skoða hana frekar.



MEST LESNA  
DAGBLAÐ Á ÍSLANDI\*

## HAFÐU FJÖLPÓSTINN ÞINN Í FRÉTTABLAÐINU

Það er hvergi betri staður fyrir fjölpóst en inni í Fréttablaðinu. 60% landsmanna skoða fjölpóst. Auglýsingaefnið lendir á eldhúsbörðinu þegar blaðið er opnað!

**75% íbúa höfuðborgarsvæðisins lesa Fréttablaðið daglega.**

Kannaðu dreifileiðir og verð í síma 512 5448 eða í tölvupóstfangi [orn@365.is](mailto:orn@365.is)

Útvegum einnig hagstæð verð í prentun.

FRÉTTABLAÐIÐ

Innskot í Fréttablaðið skilar árangri!

\*Samkvæmt prentmiðlunum Capacent Gallup nóv.-sept. 2012

Útgefandi: 365 miðlar ehf., Skaftahlíð 24, s. 512 5000

Umsjónarmenn auglýsinga: Sigrún Kristinsdóttir, s. 512-5455, [sigrunk@365.is](mailto:sigrunk@365.is)

Ábyrgðarmaður: Jón Laufdal.

# Fegra táslur stjarnanna

Á rauða dreglinum gengur fína og fræga fólkið í Hollywood í sínu fínasta þússi frá toppi til táar. Sumir skóhönnuðir eru vinsælli en aðrir meðal stjarnanna. Nokkra þeirra má sjá hér að neðan.

## Manolo Blahnik

Blahnik er spænskur tískuhönnuður sem hefur verið við störf frá áttunda áratugnum. Hinn sjálfmenntaði hönnuður hagnar hvert einasta par sem kemur á markað. Frægðarsól Blahnik dofnaði síst með þáttunum um Beðmál í borginni en þar er hann uppáhaldsskóhönnuður persónunnar Carrie Bradshaw.



Tærnar á leikkonunni Jessicu Biel í skóm frá Manolo Blahnik.



Skór af tískusýningu Michael Kors í New York í febrúar.

## Michael Kors

Michael Kors er bandarískur tískuhönnuður sem einnig er með tösku- og skólínu. Hann er vinsæll meðal stjarnanna en margir þekkja hann einnig sem dómara í þáttunum Project Runway.

## Christian Louboutin

Skórnir frá hinum franska Louboutin eru þekktastir fyrir rauða sólana á háhæluðum skóm. Hönnuðurinn hóf ferilinn sem skóhönnuður fyrir Chanel og Yves Saint Laurent. Fjöldi stjarna hefur klæðst skóm frá Louboutin, þeirra á meðal Jennifer Lopez.



Christian Louboutin er þekktur fyrir skóna sína með rauðu sólunum.

## Jimmy Choo

Jimmy Choo er tískuhönnuður í London en ættaður frá Malasíu. Faðir Choos var skógerðarmaður í Malasíu og var Jimmy aðeins ellefu ára þegar hann smíðaði sinn fyrsta skó. Hann byrjaði ferilinn á níunda áratugnum en varð vinsæll þegar tímaritið Vogue birti átta síðna umfjöllun um skóhönnun hans árið 1988. Díana prinsessa var mjög hrifin af skónum frá Choo og Madonna klæddist skóm frá honum á brúðkaupsdaginn sinn.



Gylltir bandaskór frá Jimmy Choo á bleikum dregli.



Stællægir skór frá Christian Dior.

## Christian Dior

Dior er ekki aðeins þekkt fyrir forkunnarfagar flíkur og flott veski. Undir merkinu eru einnig hannaðir heillandi hælaskór.



Leikkonan Halle Berry í töff skóm frá Giuseppe Zanotti.

## Giuseppe Zanotti

Hinn ítalski Giuseppe Zanotti setti á laggirnar eigið tískumerki árið 1993. Vinsældir hans fara vaxandi meðal spútnikliðsins í Hollywood en hann er einnig vinsæll á heimsvísu.

## DÝRUSTU SKÓR Í HEIMI

Stórmyndin Galdrakarlinn í Oz var frumsýnd árið 1939 en þar segir frá ævintýrum Dórotheu Gale og leit hennar að galdrakarlinum í Oz. Á leið sinni fylgir hún gulum múrsteinsstíglum klædd eftirminnlega rauðum rúbín-skóm.

Í tilefni af fimmtíu ára afmæli myndarinnar árið 1989 ákvað Ronald Winston hjá skartgripaframleiðandanum Harry Winston að endurgera rauðu rúbínskóna en í stað þess að nota pallið sem prýddu upprunalegu skóna, sem leikkonan Judy Garland klæddist árið 1939, notaði Winston 4.600 rúbínsteina og demanta til skrauts.

Það tók tvo mánuði að búa skóna til og eru þeir metnir á þrjár milljónir Bandaríkjadala eða tæpar 380 milljónir íslenskra króna. Það gerir þá að dýrustu skóm veraldar.



Endurgerð sem Ronald Winston hjá Harry Winston lét gera í tilefni af 50 ára afmæli myndarinnar. Þeir voru prýddir eka rúbínsteinum og demöntum til skrauts.

# Gerum við á meðan fólk verslar

Þorsteinn Einarsson, skósmiður og eigandi Skóarans í Kringlunni, segir best að lýsa skósmiði þannig að hann létti samborgurum sínum göngu á jörðunni. Skóarinn í Kringlunni hefur verið starfandi frá árinu 2005 og býður upp á allar almennar skóviðgerðir, töskuviðgerðir og viðhaldsvörur fyrir skó.

„Þetta er ekki bara skóverkstæði. Hér kennir ýmissa grasa en við smíðum lykla, seljum húsaskilti og erum með Ledermann-hnífa og ýmislegt fleira,“ segir Þorsteinn.

„Við bjóðum upp á allar almennar skóviðgerðir og hægt er að fá hraðviðgerðir ef ekki er um tímafrekt verkefni að ræða. Vörurnar okkar koma frá Woly og Grison sem eru hágæða og gamalreynnd merki úr bransanum. Mikið úrval er af leppum og innleggjum, til dæmis gelsólar, bæði þykkir og þunnir, leppar í íþróttaskó, leppar sem má þrifa í þvottavél og svo mætti lengi telja.“

Þorsteinn segir starfsmenn Skóarans gera við alla skó, allt frá sandölum upp í vandaða sparískó. „Í flestum tilfellum borgar það sig að gera við skó og sérstaklega ef skórnir hafa kostað sitt og þá sem fólk heldur mikið upp á. Það má auka endingu mikið með því að setja nýja sóla og hæplötur. Gott er að setja strax slitsóla undir nýja skó sem eru með leðursólum. Hér á landi rignir mikið og vætan og slabbið fara illa með skóna. Þá seljum við skóhlífur í nokkrum litum bæði fyrir karl- og kvenmannaskó en það getur verið stæll yfir þeim,“ segir Þorsteinn og bætir við að Íslendingar séu í auknum mæli að taka mannbrodda í sátt. „Fólk setti fyrir sig hvað mannbroddar þóttu lítið smart en ég held að það sé ekki smartara að brotna og enda í hvítu gífsi. Þá er betra að hafa brodda á



Þorsteinn Einarsson er fjórði liður skósmiða í fjölskyldunni. Hann rekur Skóarann í Kringlunni.

skónum þegar það á við. Mannbroddar eru reyndar farnir að sjást í stórmörkuðum og fleiri stöðum, en hjá skósmiði fæst besta þjónustan varðandi val á broddum. Við vitum hvað við erum að selja.“

Þorsteinn er fjórði liður skósmiða í ættinni, langafi hans, Einar Guðmundsson, var skósmiður á Ísafirði, afi hans Högni Einarsson rak stofu hér í bæ, faðir hans Einar Högnason rak stofu á Ísafirði og í

Sólheimum og föðurbróðir hans Hilmar Högnason rekur stofu í Smáralind ásamt syni sínum.

„Við reynum að tala sem minnst um skó þegar fjölskyldan hittist en það kemur auðvitað fyrir,“ segir

hann og hlær. En er hann orðinn leiður á táfylunni? „Það er nú bara einu sinni til tvisvar á ári sem maður fær illa þefandi skó í hendurnar og þá eigum við auðvitað ráð við því sem og lyktarsprey og annað í þeim dúr.“

# Natnir skósveinar

Skór segja mikið um snyrtimennsku eiganda síns. Hreindir, vel hirtir skór skemmast líka síður. Hér eru tólf heilræði til að viðhalda skótauinu.

- Rispur á skóm úr gervileðri má minnka með því að nudda rispurnar með dálítilli eggjahvítu. Látið svo þorna og þússið vel yfir.
- Nýir skór geta valdið blöðrum. Til að mýkja leðrið og vernda fætur er gott ráð að nudda sápu í skóinn ofan við hælinn.
- Góð vatnsvörn er í soðinni hörfræólíu. Nuddaðu henni á skóna í þrígang og leyfðu þeim að þorna utandyra á milli. Hörfræolía er einnig góð inn í sóla ef marrar eða ískrar í nýjum skóm.
- Skór úr gervileðri springa síður ef þeir eru reglulega nuddaðir upp úr vaselíni, mjólk eða ólífuólíu. Þá er betra að geyma í heitu rými en köldu því kuldi ýtir undir sprungumyndun.
- Séu rúskinnsskór orðnir flatir er ráð að halda þeim yfir gufukatli og burstu upp skinnið þegar þurr á ný. Einnig getur verið frískandi að burstu rúskinn með sítrónusafa áður en það er sett yfir gufu.
- Hreinsið hvíta leðurskó með



Skósmiðir gera gamla skó eins og nýja en heima við er einnig hægt að beita praureyndum ráðum við góða skóumhirðu og lengja líftíma skótausins.

- hreinsimjólk í bómullarskífu. Látið standa í tíu mínútur og þússið yfir með þurru klút.
- Stráðu matarsóða inn í skó til að losna við ólykt.
- Erfitt er að ná fitublettum úr ljósum skóm og rúskinnsskóm. Verið því aldrei á spariskóm við eldamennskuna.
- Rispur á leðurskóm er hægt að fela með samsvarandi vaxlit.
- Gott er að vefja blautum skóm


- inn í dagblöð og stinga krumpuðum dagblöðum inn í þá til að draga úr þeim bleytuna.
- Trosnuðum endum á skóreimur má dýfa ofan í glært naglaklak til að lengja líftíma þeirra.
- Skóbursta þarf að þvo af og til. Setjið burstann í volgt sápuvatn með skvettu (20ml) af terpenntínu. Skolið fyrst í hreinu, volgu vatni og svo aftur í köldu vatni. Þerrið vel.

## STÆRSTI HÚSNÆÐISVEFUR LANDSINS

**vísir**

FÉLAG FASTEIGNASALA

Ótrúlegt  
úrval íbúða til sölu  
eða leigu!



## Skógerð var hluti af heimilisverkum áður



Handtökin við skógerð. Myndin er tekin á Árbæjarsafni.

Íslendingar sníðu sér sjálfir skó úr skinni og roði á öldum áður og var skógerð hluti af verkum heimilisfólksins á kvöldin. Skór voru oftast sniðnir úr sauðskinni og saumaðir saman á tá og hæl. Þá var varpað með sterkum þræði í opið til að styrkja skinnið og draga opið saman. Á spariskóm var síðan bryddað yfir varpið með hvítu eltiskinni og var leðrið sem notað var í spariskóna gjarnan litað með sortulyngi. Einnig voru skinn stundum lituð með eirsalti eða blásteini og urðu þá græn. Roðskór voru yfirleitt saumaðir úr steinbítroði og sniðnir og saumaðir líkt og skinnskórnir. Roðið var þó ekki eins endingargott og skinn.

### Inn í skóna voru notaðir leppar

Leppar voru oftast þrjónaðir en einnig voru þeir saumaðir úr ullarefni. Oft voru þrjónuð munstur í leppana eins og áttaþlaðarós og þeir þá kallaðir rósaleppar. Rósaleppar voru frekar notaðir í spariskó. Svokallaðir slyngdir leppar voru saumaðir úr ullartau og síðan bryddaðir með bandi. Heimild: [www.buningurinn.is](http://www.buningurinn.is)



Hilmar Högnason hefur þrjátíu ára reynslu af skósmíði. Hann hefur verið með stofur víða en þjónustar nú gesti Smáralindar. MYND/PIETUR

## Skósmíðin er í blóðinu

Skómeistarinn í Smáralind býður upp á almenna þjónustu í skóviðgerðum og sérhæfir sig í hraðþjónustu. Eigandinn, Hilmar Högnason, er þriðji ættliður skósmíða og sonur hans hefur fetað í sömu fótspor.

Mikil verðmæti liggja í gömlum skóm. Það veit Hilmar Högnason, eigandi Skómeistarans í Smáralind, manna best enda hefur hann gert við skó Íslendinga í þrjá áratugi. Að auki kemur Hilmar af mikilli skósmíðaætt. „Þetta er sannkallað fjölskyldufyrirtæki. Ég er þriðji ættliður skósmíða, sonur minn er fjórði ættliður og fimmti skósmíðurinn í fjölskyldunni,“ segir Hilmar glæðlega en skósmíðar hafa verið viðloðandi fjölskylduna frá aldamótunum 1900.

Skómeistarinn býður upp á almenna þjónustu í skóviðgerðum. Hraðþjónusta er einkennismerki stofunnar en Hilmar lærði hraðvið-

gerðir í Noregi á sínum tíma. Starfsmenn sjá einnig um að smíða lykka auk þess sem Skómeistarinn er umboðsaðili fyrir skiltagerð og sér um móttöku fyrir efnalaugina Svanhvíti. „Þá seljum við allt sem tengist viðhaldi á skóm og leðri,“ upplýsir Hilmar.

Hann segir mikla breytingu hafa orðið í viðhorfi fólks eftir 2007. „Nú horfir fólk meira í peninginn og nýtir sér að láta gera við góða skó,“ segir hann og bætir við að sérstaklega hafi karlmenn tekið við sér. „Áður keyptu þeir sér bara nýja skó en nýverð eru þeir farnir að sækja meira í að láta gera við þá gömlu.“

Margt verður um að vera í

Smáralind í mars. Á fimmtudaginn kemur verður konukvöld og Skómeistarinn tekur virkan þátt. Boðið verður upp á veitingar og óvæntan glæðning. Auk þess verður í gangi gott tilboð allan marsmánuð. Með því að fara inn á Facebook-síðu Skómeistarans er hægt að prenta út tilboðið og koma með á stofuna. Tilboðið hljóðar upp á viðgerð á fjórum pinnahælum fyrir 6.000 krónur eða viðgerð á fjórum þörum af skóm með breiðum hæl fyrir 10.000 krónur.

Skómeistarinn er í austurenda Smáralindarinnar á móti Vínbúðinni. Nánari upplýsingar um stofuna má nálgast á Facebook.